

四庫全書

子部

欽定四庫全書

子部

普濟方卷二百九十三

詳校官太醫院醫士

臣舒岱

編修臣倉聖脈覆勘

總校官進士

臣楊懋珩

校對官中書

臣楊世綸

謄錄監生

臣馮曰琮

欽定四庫全書

普濟方卷二百九十三 明

周王朱橚 撰

癰瘡門

諸癰

附論

夫漏者諸癰之潰漏也狼瘡鼠瘻螻蛄瘻蜂瘻虬蟬瘻
疥癩癰瘡癰轉脉浮疽瘻所謂九瘻也狼瘡者由大
怒傷陰氣上而不下所致也鼠瘻者由飲食之間有蟲
鼠餘毒所致也螻蛄瘻者因食菜瓜蟲噉之所致也蜂

瘰者因倦飲水即得蜂毒所致也虺蜥瘰者因中寒毒腹中臌脹所致也蟬螬瘰者恐懼憂思哭泣不止所致也浮疽瘰者恚結馳思往返變化所致也轉脉瘰者大醉驚嘔轉側失枕所致也瘰癧瘰者則瘰癧諸證論之為詳三因方云狼漏根於肝得之憂怒鼠漏根於胃得之食鼠毒螻蛄漏根於大腸得之食菓蜂漏根於脾得之飲流水有蜂毒虺蜥漏根於腎得之食中有虺蜥毒蟬螬漏根於心得之喜怒哭泣浮蛆漏根于膽得之思

慮癰癰漏根於腎得之新沐髮轉脉漏根於小腸得之
驚卧失枕此等因證文不明未知所始若以理例較之
怒根在肝鼠毒在胃食瓜果在大腸蜂水在脾姑且通
俗易曉如轉脉漏因驚根當在膽却云在小腸蜉蛆漏
因思慮根當在脾却云在膽癰癰因沐髮亦不當在腎
名義不通以難考據又况哭泣得蟻螬之名思慮浮蛆
之名此尤不可曉也其外更有風漏冷漏蝎漏蟻漏蜚
螂漏蚯蛆漏蝦蟇漏等名狀不一諒皆出于土俗隨象

命名耳難以考據治法觀其末着於肌肉而為膿血者
從本引可使衰去針之灸之數之角之從其所因宣通
本臟皆有成法甲乙鍼經云寒熱癰癰論黃帝問曰寒
熱癰癰在於脛腋者皆何氣所生岐伯對曰此皆鼠瘻
癰寒熱之氣也稽留於脉而不去者也鼠瘻之本皆在
於臟其未上出於頸腋之間其浮於脉中未著於肌肉
而外為膿血者去易問曰去之奈何對曰請從其末引
其本可使衰去而絕其寒熱審安其道以瞳子之徐來徐

來以去之其小如麥者一刺之三刺而已決其生死法
反其人目視之其中有赤脉從上下貫瞳子見一脉一
歲死見一脉半一歲半死見二脉二歲死見二脉半二
歲半死見三脉三歲死此赤脉不下貫瞳子者可療大
抵外傷四氣內窘七情與夫飲食乖常染觸蠱動含靈
之毒未有不變為癰瘡穿孔一深膿汁不盡得冷而風
邪併之於是涓涓而成漏矣漏喜發於項腋亦喜發於
陰僻肛門之間療治失時即生寒熱不特癰能為漏凡

癰疽諸發隨所在處苟有宿膿敗肉朽骨停蓄其間皆一切漏瘡之萌蘖也聖惠云瘰癧初發之由不同至瘰成於狀亦異病源所載復有三十六種經方不依次第顯其名目也又有蜚蠊蛆蚓等諸瘰非九瘰之名此即應是三十六種瘰之數也但瘰癧之生或因寒暑不調故血氣壅結所作或因飲食不節狼鼠之精入於臟腑毒流經脉變化而生皆能使血脉結聚寒熱相交久則成膿而潰漏也其生身軀皮肉者亦始有結腫與石癰

相似所可異者其腫之中按之壘壘有數脉喜發於脛

邊或兩邊俱起便是癰證也

音瘰

赤發兩腋下及兩顳顬

之間初作喜不痛不熱若不諳治即生寒熱也所發之處而有輕重重者有二一則發口上腭有結核大小無定或如桃李大此蟲之窠止在其中發口下無有結核而穿成瘡又蟲毒之居或縱橫無定故癰發身體亦有雜處其相應通者多死

治法用濕散風冷為急收水次之生肌又次之藿香厚

朴半夏橘皮瘡术

音蒼

細辛川芎白芷以官桂乾薑一已

佐之此足以濕散風冷矣然近年漏者近則淡紅或帶微腫或留小核久則上而槁白內而黑爛淫蟲惡臭生焉近者不過前藥數品而久者復其元陽亦當以蘆輩加減而用之如其不當用而輕用又恐熱氣乘虛變移結核竇緣相通而孔竅為尤甚若夫收水一節蓋水屬腎也腎虛不能傳道而後水溢於腎水溢則滲灑於漏瘡行腎之水無如黑牽牛取米入猪腎漫火煨熟隨而

溫酒下之則借腎入腎一縱一擒兩得其便惡水既泄
不復淋漓繼以當歸黃香川芎官桂川續斷葫蘆巴等
修治細末佐以髮灰空心溫酒音調下仍以安腎丸山
藥丸兼而濟之庶幾腎得所養真元凝合夫然後以龍
骨牡蠣人齒犬牙加之血竭乳麝髮灰內外相維生機
必矣然新肉方生又當以贅肉猪蹄米鋪為養不維滋
味益腎而陽明之生生肌肉亦藉穀氣以充之此則自
本自根之論也 凡項邊腋下先作瘰癧者欲作漏也

宜禁五辛酒麪及諸熟食凡漏有以石癰瘰癧累然作癰子有核在兩頸及腋下不痛不熱治者皆鍊石散敷其外內服五香連翹湯下之已潰者治癰法諸漏結核未破火鍼鍼使者結核中無不瘥者內經云陷脉為癰留連肉湊脉得寒即下陷凝滯肌肉故曰留連肉腠肉冷亦能為濃血故為冷漏須用溫藥陷脉散專治漏瘡及二三十年癰瘤或大如杯孟久久不瘥致有漏潰令人骨肉消盡或堅或軟潰令人驚惕寐卧不安軀中掣

痛愈而復作者宜用之濟生方云瘰癧當探其深淺渠在裏間時有一人害瘰癧於脇間稽以榆細皮枝取線以綿裹其尖以線牢繫之以榆皮探瘰癧中瘡之穴乃自脇而達于腰在膚皮之間稽遂于病者腰間以針決破用追毒丹三粒內于瘡中三日即潰而脇間之漏遂止則膿悉自腰針孔中出膿盡則其肌遂愈其服狗寶丸數烏龍膏乳香膏生肌散并如治癰疽治法

方

蛭皮散

出聖濟
總錄

治諸漏

蛭皮

炙煨
半枚

蜀椒

去閉目并
子炒出汗

當歸

切焙

露蜂房

炙焦

地榆

醋炙各
三分

斑猫

去足翅
糯米炒

蛇蛻

剉炒

烏賊骨

去甲

葛上亭長

去頭足翅
米炒各半兩

鱗鯉甲

炙煨
四兩

蘭茹

一兩

細辛

去苗葉
半兩

樗

鷄

四兩
四枚

蜈蚣

去黃
炒一枚

蜥蜴

去頭足
炙一枚

薏苡仁

乾漆

炒烟
出用

蒺藜子

炒去
角

桂

去蘆
皮

漏蘆

去蘆
頭

木通

剉

附子

炮製去
皮臍

牡丹皮

龍膽

土瓜根

各三
分

鶴骨

酒炙

狸

骨

酒炙
雄黃

研細

蛇床子

大黃

剉炒

苦參

各一
兩半

右為細末每服二錢匕空心用溫酒調下日曉再服

漸加至三錢

治九癰方

出千金方

蝟皮

半枚

鱗鯉甲

雉鷄

各四枚

蜥蜴

蜈蚣

各一枚

蜀

椒

附子

當歸

蜂房

地榆

桂心

通草

乾漆

牡丹

薏苡仁

蒺藜子

漏蘆

一作瞿蘆

龍

膽

一作骨

土瓜

各三分

斑猫

四分

蛇床子

苦參

大黃

雄黃

蛇蛻

蘭茹

細辛

各三分

鶴骨

六分

右為末每服五分以溫酒調下以知為度日三服

治九癰方

出千金方

空青 商陸 知母 狸骨 桔梗 防風 茱

子 礬石 黃芩 白芷 芍藥 甘草 雄黃

白朮 地膽 斑猫 雄黃

各等分

右為末蜜丸豆大以作服三丸三十日知四十日愈
六十日平復百日内慎房室一方為散醋服一升
日二老者少者減半服

續斷散

出仁濟
直指方

治止漏活血益腎氣續筋脉

搥藤子

去稍
微炙

當歸

川芎

川續斷

洗
酒

黃耆

微
炙

蒟

蘆巴

炒

紫荊皮

生乾地黄

洗
酒

牡蠣粉

布糊
半兩

木

香 辣桂

各三
錢

甘草

炙二
錢

右為末每服二錢空心溫酒調下或加髮灰佐之

溫解散

出仁濟
直指方

治濕散漏瘡風冷

藿香

厚朴

製

半夏麴

橘皮

蒼朮

細辛

川芎

白芷

各二
分

辣桂

川白薑

生

甘草

炙各
半分

右剉散每服三錢水一盞生薑棗子煎服

蝟肝膏

出聖濟錄

治諸癰陰徧腫堅硬或發潰膿血不絕

蝟肝

炙令熟二兩

芍藥

芎藭

細辛

去葉各半兩

牛脰脂

錢當歸

切蠟焙

黃連

去鬚黃芩

去黑心

松脂

各一兩

右除牛脂蠟松脂外搗羅為末先熬脂令沸下蠟松

脂銷鎔即下諸藥末攪令勻以瓷合盛塗瘡上日三

度換

陷脉散

出三因方

治漏瘡及二三十年癰瘤或大如孟杯

久久不瘥致有漏潰令骨肉消盡或軟或潰令大驚
惕寐卧不安體中掣痛愈而復作

乾姜

炮

琥珀

研

大黃

附子

炮

去皮
各一兩

丹參

三錢

石硫

黃

研

鍾乳粉

研

烏賊魚骨

研各
半兩

右為末貯以瓷合韋囊勿令洩氣若瘡濕即敷無汁
即煎豬脂和敷之以乾為度或死肌不消加芒硝二
兩益佳一法用胡燕屎一枚

光青丸

出千
金方

治一切瘻

斑猫

四十枚

豉

四十枚

芫青

二十枚

生大黄

地膽

各十枚

蜈蚣

一條半

犀角

牛黃

各棗核大

右為末蜜丸如桐子大服二丸須臾多作酸漿粥冷飲之病從小便出尿盆中相視如有蟲形狀又似膠汗此病出也間日一服飲粥如常小弱者各三四日候無蟲出瘡漸瘥時忌膩一切器物皆須灰洗乃作食一方以溫酒服之一方虛悶可煮食蔓菜羹後仍作二十日將息便不須服

麝香散 治漏瘡

麝香

研

樓葱白

蜣螂

蜜陀僧

研

石灰

研

青蒿

心

膩粉

流黃

研各

半兩

右搗研拌勻先以鹽漿水洗瘡用散子填滿瘡口以帛縛定三兩日若有惡物除去依前換藥如無不用換不過三兩上即瘥

葛上亭長丸

出聖濟錄

治諸漏

葛上亭長

地膽

斑猫

三味並去頭足翅糯米各炒二十枚

鼠婦

六十枝炙

衣中白魚

四十枝

真珠

研各一分

檳榔

劉二枝

雄黃

研

右為末煉蜜丸如桐子大每服三丸每日空心溫酒

下日晚再服漸加五丸

光青散

出聖惠方

療瘰有九種久不瘥不過此方

光青

四十枝
凡翅熬

海藻

八分
洗

昆布

八分
洗

雄黃

研八分

狸骨

炙五分

牡蠣

四分
煨

地膽

二十枝
熬

青木香

三分

右為細末酒服一錢匕日二服痛從小便出如爛筋

忌生冷粘食豬肉陳臭物

桂附丸

出三因方

治氣漏冷漏諸瘡

附子

炮製米醋中浸再炮
滓三五次去皮臍

桂心

厚朴

姜製粉草炙

白朮

各一兩

木香

一分乳香二味別研

右為細末煉蜜丸如桐子大空心米飲下二三十丸

青金錠子

出瘡科精要

治諸惡瘡膿水出不快及多年瘡

癰瘡愈而後復發

白丁香

銅青

硼砂

粉霜

各五分

輕粉字一龍腦

一麝香一字

右為細末麴糊為丸撚作錠子每用絰入瘡口中膿水出快

治漏瘡

滑石 輕粉 赤石脂 海螵蛸 膩粉 乳香
明礬

右各等分研細末以筒子吹藥入漏孔內一夜再用耳鑷子取出孔內敗肉物再用荊芥湯淨洗復用藥仍前

天靈蓋膏

出聖惠方

治一切瘰

天靈蓋

一分淨洗
塗酥炙黃

虎下頷骨

一分炙
今黃

臙月猪脂

四兩

附子

一分此製
去皮臍

人參

一兩去
蘆頭

鐵精

一分

川烏頭

一兩
炮製

去皮
臍

右為細末用猪脂和令稀稠得所可塗之四畔不得

侵瘡口

麝香丸

治漏瘡經瘡

麝香

研

石膽

研

膩粉

研

杏仁

去皮尖雙仁
炒各一分

香鼠

一枚

去腸胃洗
淨炙乾

巴豆

一粒去皮心
膜出油盡

右為末用麪糊和丸黍米大紐在瘡內一日一二次

通治諸瘰方

班猫

一枚一方云三
分去頭足翅

杜蘅

枳殼根

酸棗根

虎薊根

猫薊根

各一把

右搗羅為末蜜丸日一服如棗一枚以丸著瘡口中

漏瘡方

真龍骨

蜂房

炙黃各
三錢

黃丹

煨

降真節

五倍子

枯骸骨

无煨一錢各炙

右為細末敷之凡惡核漏瘡並戒怒氣不然核大漏則水多也

安息膏

仁存方有

治膿水不絕骨中疼痛成漏

安息香

花乳石

火煨紅

血竭

乳香

各半錢

麝香

減半

右為細末用蠟少許入麻油些小同鎔開搜藥捻作米粒大依前方看大小深淺逐粒屑入藥於瘡孔中以滿為度藥透內從内生肉一二日退出一粒漸生

肉漸退出出盡則瘡中自然平復其功效如神如瘡口冷痛淺濶只用少許乾敷

治漏瘡

木香 丁香 乳香 麝香

各末
三錢

黑牽牛

頭末

右分作十服每服用烏鷄子一箇去其項去黃用白調藥再入鷄子殼中用頂蓋頭紙糊定於飯甑上蒸熟取出細嚼溫酒下日進一服空心服未效再作即愈矣

斑猫散

出聖濟
總錄

治諸漏

斑猫

去頭足翅
米炒七枚

真珠

研

桂

去皮

水銀

與衆藥研令
星盡各半兩

葛上亭長

去足翅糯
米炒七枚

右為末每服半錢匕米飲調下空心午後服小便有

所出瘡

乳麝雲母膏

出仁濟
直指方

治漏瘡效

穿山甲

浸一宿去肉
用一百片

真蚌粉

同炒候香熟起泡出
粉以甲為末四兩

右入麝香末一錢夾雲母膏十五貼為丸桐子大每

服三十九溫酒仍以鹿角膠調鹽酒服下神授丸

方見

勞瘵門勞瘵類魚服之

生地黄膏

出仁濟直指方

治漏通用

露蜂房

炙黃

五倍子

木香

各三錢

滴乳香

二錢

輕粉

一匙

右細末用生地黄一握搗細和為膏攤生絹貼瘡

蛇蛻散

出仁濟直指方

治漏瘡血水不止

蛇皮

洗焙焦

五倍子

龍骨

各一分

川續斷

洗酒三分

右細末入麝香少許唾津調敷

人牙散

出仁濟
直指方

治漏瘡惡瘡生肌裏欲乾則用

人牙

油髮

二味燒
存性

雄鷄肉骨

各等
分

右為末入麝香輕粉少許濕則乾摻乾則麻油調敷

生肉膏

出肘
後方

療瘻

棟白皮

二兩

鼠肉

二兩

薤白

三兩

當歸

二兩

生地黃

五兩

右五味以臘月猪膏叁升煎薤白色黃成膏敷瘡孔

上令生肉也

班猫散

出千
金方

治一切瘻及瘰癧瘻生於項上結腫有

膿並皆治之

斑猫

十枚去頭足翅以糯米炒黃為度用

真珠

半兩研

蛻皮

半兩炙黃

雄黃

一分
細研

右為細末每日空心以溫酒調下半錢午後再服可

日三服

白花蛇散

出三方

治九漏瘰癧發於項腋之間痒痛憎

寒發熱

白花蛇

酒浸軟去皮焙乾三兩

犀角

半錢

黑牽牛

半兩一半熟炒

青皮

兩半

右為末每服二錢膩粉半錢研勻五更糯米飲調下以利下惡毒為度十餘日再進一服可絕根源如已成瘡一月可效忌發風壅熱物

治一切瘰

出千金方

斑猫

三十枚

雄黃

桂心

犀角

各一兩

右為治下篩酒一錢匕服日再服病從小便出

鍛落鐵屑膏

出千金方

治一切漏方

鍛落屑 虎糞

狗頰車連齒骨

炙 鹿皮

合毛燒
為灰各

等分

右治下篩以猪膏和內瘡中須臾即易日五六度一

方無鹿皮有鹿角

治漏瘡

胭脂 血竭 輕粉

各一錢

麝香

半錢

右碾為末乾敷之

又方

五倍子

一兩

青黛

臘茶

各半兩

麝香

隨用

右為細末於漏瘡上乾摻或用生油調敷之輕粉少

許尤妙

光青散

出聖濟總錄

治諸漏腫

光青

斑猫

葛上亭長

三味並去足翅糯米炒各十枚

桂

去粗皮一

兩

右為散每服半錢匕空心酒調下日晚再服更宜炙

陽明絡脉在肩前申頭二寸陷中有青脉至上向卧

交兩臂勿令開乃夾取之炙隨年壯即瘥

治諸癰涓涓出膿血疼痛日夜不止漸加羸瘦宜服此

方

出千金方

赤小豆

白欬

牡蠣

燒赤細研

黃耆

各等分

右為散每服三錢七酒一盞半煎至一盞去滓不拘

時

黑靈散

出仁濟直指方

治漏瘡通用

露蜂房

劉二分

牡蠣粉

號丹

硫黃

研各一分

右同炒令烟盡為細末入髮一分麝香少許拌和敷患處麝能引藥透達亦殺蟲

鐵屑膏

出仁濟直指方

治漏瘡露乾則用

鍛落鐵屑

半兩

鹿角

燒灰一兩

真輕粉

一錢

狗頭連齒骨

炙黃

一兩

右為細末用猪脂敷調

薰漏瘡方

出仁濟直指方

艾葉

五倍子

白膠

苦楝根

等分

右剉如燒香法置長桶內坐薰瘡處

角鷹散

出仁
存方

角鷹屎 乳香 葱白

右等分為末先鹽水洗瘡口看小大以燈心探入瘡口深淺內藥入明日其骨及蟲惡水自出不過兩次

治一切漏瘡惡瘡生肌止痛

出余居士
選奇方

人牙

不以多
少燒過

麝香

各少
許

右都研令勻濕則乾摻乾則用生油調敷

荊蘆塗傳方

出聖惠方

治諸漏浮核不盡及諸惡瘡癰疽

息內在於肌中

熬蘆

以鷄子三箇取白塗炙令乾

閻茹

各一兩

雄黃

研一兩

右研為末塗敷息肉上日五度即瘡敷瘡上不得入眼

治漏藥

出御藥院方

獨角仙

一箇火去殼河南地方出者佳

甜葶藶

砒

各半錢同研

右為末細煉蜜為錠子每用臨時覷瘡口大小旋捏

作餅子圍於瘡口內其蟲俱出即時見效

斑猫丸

出聖惠方

治一切瘰癧

斑猫

四十枚去足翅糯米拌炒令米黃

地膽

三十枚去足翅糯米拌炒令米黃

蜥

蜥

三枚炙

右搗之干杵蜜和如大豆服二丸空心臨晚溫酒下

神驗伏翼糞丸

出聖惠方

治一切瘰癧瘡及治久瘰

伏翼糞

四兩微炒

斑猫

三分去頭足翅糯米拌炒令米黃

皂莢子

一兩炒黃

一作皂莢花

右搗為細末煉蜜和丸如梧桐子大每日空心以茭
白皮塗酥炙微黃搗末煎湯下一丸服至三丸病根
並於小便中出

馬齒莧膏

出聖
惠方

治一切瘻

馬齒莧

陰乾

臘月燭燼

各等分一作
臘月鼠灰

右為末以臘月猪脂和其瘡先以暖泔清淨洗拭乾
然後以藥敷之日三

又方

出十
金方

乾牛屎

乾人屎

各等分

右搗末先用綿著瘡上綿著屎蟲聞屎香即出若瘡即舉綿止之更別取屎及綿著其上如前蟲盡乃止

蜂窠膏

出千金方

治漏作瘡孔

方見本門蜂瘻類

治漏心胸以下者方

松脂

武都雄黃

各三兩

右為末和塊刀子刮為散飲服一方寸匕日三服不

瘡再合

附子塗傳方 治漏瘡晝開出膿夜復合

附子

一枚
搗末

鯽魚

頭間去
肚腸

右將附子末內魚肚中滿以泥固濟炭火上燒通赤
取出去泥研細為末冷敷瘡口內日用三五次以瘡
為度

伊蘭草塗敷方 治漏瘡

伊蘭草

七葉

狗頭骨

燒過
二兩

右為末塗敷瘡口內日一換之以瘡為度

巴豆塗敷方 治漏瘡

巴豆

一分去心皮
出油盡用

肥棗

十枚去
核皮

右細研以水一升煮稀稠放布中絞出取汁塗敷瘡

上日一次

地鱉散 治漏瘡

乾地鱉

末

麝香

各研
少許

右研勻乾摻或貼隨乾溫治之

蝕癰瘡

生油髮

燒留性
四錢

白芨

一錢

右為細末搽敷之

療癰方

右用槲木皮長一尺濶六寸去黑皮細切以水一斗
煮取五升去滓內白糖十挺煎取一升三分服以銅
器吐出看視之

治一切癰

出聖
惠方

用死蛇白礬各一兩燒灰細研敷之

螻蛄

一十四枚燒
為灰研如粉

右件藥以煉雄豬脂和作膏著瘡中

治一切瘻

出干
金方

用成煉松脂末填瘡孔令滿日三四度七日瘡大有神驗

又方

出干
金方

用霜下瓠花曝乾為末敷之

洗漏瘡方

出危
氏方

治漏瘡孔中多有惡穢常須避風洗

淨

用露蜂房白芷煎湯洗或用大腹皮苦參煎湯洗如洗畢候水出拭乾先用東向石榴皮曬為末乾摻以殺淫虫少傾敷藥即愈

苦瓠方

出千金方

治一切癰及蟻癰大妙

用苦瓠四枚大如盞者各穿一孔如指大置湯中煮十數沸取一竹筒長一尺一頭內瓠孔中一頭注瘡孔上冷則易之徧止

治一切瘰

出干金方

用煮鹽花以麪擁病上內鹽花麪匡中厚二寸實下以桑葉三重籍候冷熱得所可忍冷無益熱則以內一日一度候瘰癧根株勢消則止若已作瘡者搗稔穀為末粉之一方用鹽麪燒灰敷之

槲皮煎

出干金方

治一切瘡瘰

用槲皮北陰白皮三十觔剉碎以水一石煮取一斗去滓煎如糖又取屋廁上雌雄鼠屎各四十枚燒令

汗盡為末內煎中又酒溫一升投煎中合攪之羸人服五合當有蟲出

治一切瘰

出千金方

用搗土瓜根敷之燥則易不限時節

杏仁塗膏

出千金方

治一切瘰

用死蛇去皮肉取骨為末和封瘡上生油調方得大痛杏仁研膏摩之以方死蛇和臘月豬脂燒灰為末內孔中一方單用死蛇灰醋和敷一方治蛇瘻用蛇

蛇皮燒灰臘猪脂和封之

又方

出千金方

用燒死蜚虻為末醋和塗乾摻亦得一方用鹽湯洗瘡塗敷一方蜚虻屎為末敷之

治一切瘰癧方

出千金方

用故布裹鹽如彈丸大燒令赤為末酒調服

又方

出千金方

用白馬屎絞取汁每服合水和屎取汁亦可

又方

出千金方

用豬脂一升酒五合煎沸頓服一方用臘豬脂塗敷瘡二用紙貼定

治一切惡瘻中冷應肉方

出聖惠方

用正月雄狐屎陰乾搗末汲水和服一錢食前

治一切冷瘻方

出聖惠方

用所吐蛔蟲燒為灰先用甘草湯洗去瘡然後著灰無不瘥者慎口味

治膿瘻方

用桃花末以豬脂和封之佳

治漏瘡

用嚼五倍子和血竭末塞之

治脇下生漏瘡如牛眼之狀膿水不止

用鹽少許安白牛耳內然後取耳中垢以敷瘡上即瘥如不用鹽即牛耳不痒難取垢

治漏瘡口子不乾

用蝦蟇膽肝不見水拭乾用銀篋搗碎搽入口子內
外用尋常膏藥貼之久之其乾肝就變為好肉

啄酒散

治瘻有頭出膿水不止

方見痔漏門痔漏類

治漏方

右以巴豆用青紅紙各一張減去油推麝香少許
入瘡內却用紅紙作捻子蘸藥末入瘡口內填滿瘡
孔如四邊有紅點是漏瘡未發却用銅筋或銀釵尖
按破用前藥搽之後用黃連黃丹龍骨雄黃四味封

口七八日可

治漏瘡

用多年海船底土泥石灰為末以烏鷄子清調火煨為末敷之自然生肌提出元藥

朝生暮落花敷方 治漏瘡

用朝生暮落花陰乾為末取塗敷瘡上日三次

鷄子塗敷方

出肘後方

治諸漏亦治鼠瘻

用鷄子三枚蒸熟去殼白取黃炒黑色先用鹽湯洗

瘡後塗日三五次即愈一方治下血不止肌體黃瘦
四肢無力宜服此方

又方

用取新生鼠屎一百日已來者收置蜜器中取塗敷
瘡口日度即瘥

猪腎酒 治通行漏中惡水自大腸出

用牽牛碾細去皮取末一分入猪腎中以綿扎青竹
葉包用慢火煨熟空心溫酒嚼下

治漏若着口裏

用取東行棟根細剉水煮濃汁含之數內吐再嚥

治瘻瘡

用鴛鴦肉以清酒炙食之則美麗又主夫婦不和作
羹臠私與食即相怜愛

又方

治諸瘻瘡喉嚨痛及喉痺並宜煎服

用通草或礬亦得急即含一方治項上瘤漏用通草

根煎服

治瘰有九種不過此方

用芥子搗碎以水及蜜和滓敷喉上下乾易之

治瘰

用鯉魚腸切作五斷火上炙之洗瘡拭乾以腸封之
冷即易自暮至旦乾止覺痒開看蟲出瘡

效驗方 療瘰衆不瘥

用牡蒙數兩搗之湯和適寒溫取一升許敷瘡上冷

易經宿者佳

生肉膏 療瘻

用桑新灰三升水四升淋之復重淋之取三升石灰
熬令黃內灰汁中以兩重帛裹絞去滓更入日煎去
二升勿用急火煎隨瘻孔深淺初時作服散而瘡孔
若深四寸新藥與孔裏薤白使糯安藥薤白入藥孔
裏若深四寸隨瘻根而灸兩處四十壯推勿灸瘻孔
隨深淺去膿散與膏安著瘡孔裏十五過少遷延日

月取瘡肉滿膿亦斷神良無比

通治諸瘻方

右以八月多取斑猫蟲即內苦杏酒中半日許出曝乾使十取六七枚著銅器中微火上延熬令熟搗作屑巴豆一粒去皮熬之又拔取黃犬背上毛三七根亦熬作屑好朱以錢五分已都合和以苦酒頓服之蟲當盡出若一服未效先時可預作三兩劑後日服遠不過三兩劑

又方

若先著下部邊或上出耳後頸項諸處者苦參切五升以苦酒一斗浸三四日宜服一斗亦如之但多作以知為度不過三四度必瘥

皮膏 療癰

用槲皮白皮切取五升以水八升煮令泠絞出滓重令成膏日服半棗漸加至一棗許亦敷瘡上無忌患瘡唯宜煮飯苽醬鹽醬又不得多食之

療諸瘻方

用葶藶子搗細羅取加白蜜和丸每於着藥先溫泔洗着瘡孔中以丸內之若塞以物道開日三度瘡痛是瘡候勿停藥

又方

先以泔清溫洗以綿拭之取葵葉微火暖貼之瘡引膿不三二百葉膿盡出即肉生忌食諸魚蒜房室

治瘻方

用煎桃葉枝作煎淨洗瘡內孔中大驗

治諸惡瘻方

用杏仁二兩去皮以水研取汁每二合溫服一方治一切瘻

治蝱螬瘻方

用取甜瓜根搗羅為末敷之立瘥慎口

治石瘻兩頭出者其狀堅實令人寒熱方

用大鉶針破之次用鼠粒葉二分為末和鷄子白一

枚封之

又方

用搗槐子和井花水封之

治蜚蠊漏方

用黑牛屎燒灰臘猪脂和敷之先用鹽湯洗瘡一方
用乾牛屎為末敷之瘡即撥去根厚封瘡乃止一方
用熟牛屎塗之數易應有蜚蠊出亦治鼠瘡

治蚯蚓漏方

鷄屎 蚯蚓屎

右為末用牡豬下頷髓和敷之

治蝎癭五六孔皆相通者方

用搗茅根汁著孔中

又方

用半夏搗羅為末以甲煎調塗之一分

治蝦蟇癭方

用五月五日蛇頭及野豬脂同水衣封之佳

治蚯蚓漏

用胡粉不限多少用猪脂和調塗摩瘡上日再塗即瘥

治蛙癭螳螂癭方

用取母猪屎燒灰臘月猪膏和敷之當蟲出如雀形溫經丸 治陷脉癭

厚朴

姜製 官桂 皮去

白朮

炙

甘草

炙

乾姜

炮

木香

各一兩

附子

二兩醋浸炮 淬次去皮臍

右為細末煉蜜和為丸梧子大每服三十九食後飲湯下

鴨脂膏 治蚯蚓瘻

鴨脂

三兩 胡粉

三兩 巴豆

去殼研去油盡半兩

右先鎔脂入二味調如膏每日三五度塗瘡上即瘥

內癰方

用橘皮白搗丸綿裏內下部中敷效

一方 治瘡有漏孔

即以桑虫五條焙乾末摻之即愈

治一切漏瘡三方

甘草 草蓂

右等分碎切煎湯洗瘡口

又方

馬骨 敗龜殼

各等分

右為細末用麻油調敷瘡口如藥不細則瘡疼

又方

皂角刺

天蘿

乾者各等分

右燒留性為細末加燒酒調下用火筋挾燒服三錢

治瘻

用馬覓搗搯之

治瘻

以柴荆木煮汁服之

療下瘻

右取鼠尾草膿煮取汁令可丸服之亦用作飲

治毒腫下瘻

右以紫珠煮汁服之

療諸瘻瘡及妬乳癰腫

右以白狗骨燒屑敷之

治瘻瘡及溪毒丁腫出根

右以狗屎和臘月猪脂敷

治諸蟲瘻惡瘡

右取木通花上粉內瘡中良

治瘻

右剪艸根作煎淨洗瘡子孔大效

治瘻瘡

右以壁錢蟲滴汁敷瘡上

治惡瘡瘻

右以班猫去翅足炒末傅之

治惡瘡瘻

以鍛落屑和百犬青鷄桑灰等為末敷瘡瘻

治癰腫疽瘰癧瘰癧

以毛蓼杵碎內瘡中引膿血生肌亦作湯洗瘡

治疽瘰惡瘡

以楊櫨木葉水煮汁洗瘡立瘥

治瘡瘰

以鰾魚斷取血塗之

治瘡瘰

右取黃藥根研服之亦塗瘡上

治瘻瘡

以多年鵲巢燒灰敷之良

治風腫瘻瘡

以驢屎熬熨之

狼瘻

附論

夫狼瘻者由寒暑不調飲食有毒或大怒氣上不下之所生也始發之時在於頸項有根出缺盆上轉連其本其根在肝也

方

神效蝟皮散

治狼瘡出膿水不絕寒熱肢節煩疼

蝟皮

炙一枚

川椒

三分去目及閉口者微炒去汗

附子

三分炮製去皮臍

當

歸

三分剉微炒

露蜂房

三分微炒

地榆

三分剉

木通

三分剉

苦參

一兩剉

班貓

半兩以糯米拌炒令米黃為度去頭翅足

鱗鯉甲

四枚炙今甲黃桂

心半兩

檇雞

三分炙黃

細辛

半兩

川大黃

一兩剉碎微炒

蜈蚣

一條微炒

雄黃

一兩半細研

蛇床子

一兩

蛇蛻

半兩燒灰

蜥蜴

一條炙黃

仁三分

藺茹

一兩

牡丹

三分

龍膽

三分去蘆頭

鷄骨

一兩炙黃

土瓜

根

分三

藿蘆

分三

白蒺藜

分三

炒去刺

右為細末每於食前以溫酒調下一錢以瘥為度

空青商陸散

治狼漏始發於頸項無頭有根起於缺

盆之上連延耳根腫大此得之憂患氣上不得下其根在肝一作在肺空青主之商陸為之佐

空青

蝟腦

各三分

蝟肝

芎藭

半

獨活

黃芩

鱉甲

婦人蓐草

商陸

斑猫

乾薑

地膽

當歸

茴香

礬石

各一錢

西椒

三十粒

右治下篩酒下方寸匕日三服十五日服之外臺秘

要無商陸

空青散 治狼瘡發於頸耳疼痛出膿水

空青

半兩洗過細研

蝟腦

半兩

肝

一具微炙

芎藭

半兩

獨活

三分黃

芩

半兩

乾薑

一分炮剉製

當歸

半兩微炙剉炒

斑猫

一分以糯米拌炒令米黃

為度去頭足翅鱉甲

三分塗醋炙令黃去裙襴

川椒

五十粒去目及汗

香子

一分

白礬

一兩燒灰

右為細末每服一錢以溫酒調下食前

空青丸

空青

燒過細研

商陸

知母

狸骨

炙黃

桔梗

去蘆頭

礬石

泥裹燒半日細研

防風

去蘆頭

荏子

白礬

燒令汁盡

蛇蛻皮

燒灰

白芷

赤芍藥

斑猫

以糯米拌炒令米黃為度去頭翅足以上各等分

右為細末煉蜜和丸如梧桐子大每服空心醋湯下

三九

光青丸

治狼瘡

光青

二十枚去頭翅足糯米拌炒令黃色

地膽

十枚去頭翅足糯米拌炒黃色

斑猫

十枚去頭翅足糯
米拌炒令黃色

生犀角屑

如棗大

黑豆黃

五十枚炒熱

牛黃

半棗大研細

蜈蚣

一枚去足大者炙令焦黃

右前件六味為末入牛黃研令勻煉蜜和丸如梧桐子大和服藥隔夜少食每日空心以溫水下二丸須臾可者醋漿水薄粥稍稍飲之其瘰有形狀皆從小便中出至心甚虛悶可者蔓菁菜美食之如壯人隔日一服人弱隔兩三日一服服藥後瘡瘰蟲盡為度若瘰仍將息一月藥飲盡須預合勿使斷絕藥氣

鱗鯉甲散

出聖惠方

治狼瘡

鱗鯉

一兩

鴟鳥嘴

半兩

蝟皮

一杖

犬牙

一分

蜈蚣

一杖

右件藥入瓦爐子內燒煙絕便以盆合之勿令成灰候冷研令細以臘月猪脂煉過調敷瘡上日二換之

鼠漏

附論

夫鼠漏者由飲食不擇蟲鼠之毒因變化入於臟出於脉稽留脉內而不去使人寒熱其根在胃若旋出頸腋之間猶浮於脉中而未內著於肌肉而外為膿血者易

療之也

方

黃耆散

出聖濟總錄

治漏鼠

黃耆

劉

白礬

燒灰

附子

炮製

去皮

當歸

切

防風

一

栝

萋根

芎藭

黃芩

去心

狸骨

酒炙

甘草

炙

大黃

二兩

劉乾薑

炮

露蜂房

炙各一兩

細辛

去苗

斑猫

光青

二

味

並去翅足糯
米炒各五枚

右為末每服一錢已空心調溫酒調下日再服

狸骨知母散

出千金方

治鼠漏始發於頸無頭尾如鼯鼠

使人寒熱脫肉此得之食鼠毒不去其根在胃狸骨主之知母為之佐

狸骨 知母 桂心 鱗鯉甲 龜殼 甘草

雄黃 乾薑

各等分

右治下篩飲服方寸匕日三仍以蜜和內瘡中無不瘥先灸作瘡灸以藥敷之已作瘡不用灸

狸骨散

出聖惠方

治鼠漏瘰癧寒熱

狸骨

酒炙兩一分

躑躅

炒龍骨

王不留行

當歸

切焙

土瓜根

鼠姑

各半兩外臺秘要作鼠粒子

右為末每服二錢匕食後溫酒調下日晚再服一方

有蝟皮無狸骨名蝟皮散

鱗鯉甲散

出聖惠方

治鼠漏發起無頭尾如鼯鼠使人寒

熱脫肉此受大鼠毒不去其根在胃

鱗鯉甲

炙

鱗鯉甲

醋炙

甘草

炙

桂

去麋炙

雄黃

研

乾薑

狸骨

酒炙各半兩

右為末每服二錢匕酒調下日晚再服又法以蜜為丸內瘡中日一度易之一方無狸骨鱉甲煉蜜和作餅子量大小貼日二換之

鰻鱺魚丸

出聖惠方

療鼠瘻

鰻鱺魚

四兩炙令燂

野猪皮

四兩炙令燂

瞿麥

一兩 班猫

二十枚去

翅首

巴豆

十五枚去皮燂

臘月猪脂

五分

五月五日蟾蜍

一箇

炙

右搗野猪皮下篩合諸藥更搗下篩內鰻鱺以膏和

搗千杵平旦未食服如梧桐子大二枚覺者寒熱不覺暮投明日且一起更服三九籍稍增之慎勿食煩悶穀人蟲當從小便出以物盛之屎便視乃有百數耳不可以見亦大便出此方神驗服百日愈忌猪肉蘆薈

五白膏

一名漏蘆膏
出千金方

治鼠瘻癰

白馬屎 白牛屎 白猪屎 白羊屎 白鷄屎

各一
升 漏蘆 二
觔

右各於石上燒作灰研絹篩之以猪膏一升三合煎

亂髮一兩半令極沸蘆消乃內諸末微火上煎五六沸藥成去瘡痂以鹽湯洗新帛拭乾然後敷膏洗無痂猶湏洗日再若着膏當以帛裹上勿令中風冷神驗外臺秘要有蒙本二觔

療鼠瘻方

出肘後方

山龜殼

炙

桂心

雄黃

乾薑

狸骨

甘草

炙

右等分為散飲服方寸匕日三蜜和內瘡中無不愈先炙作瘡後與藥良忌生葱海藻松菜

松脂煎 療鼠瘻

松脂

硫黃

狼毒

各二兩

猪腦

具一

白歛

二兩

右熬猪腦取汁狼毒白歛吹咀以水三升煮取一升
內腦汁中煎得五合細研硫黃松脂下篩內中攪令
相得綿裹內瘡中七日知二七日病除神效

療鼠瘻方

出肘後方

石南

生地黄

雄黃

茯苓

黃連

各二兩

右作散敷瘡日再忌猪肉蕪菜

療頸鼠瘻瘰者方

貝母 乾薑 藁本 桂心 蜀椒

各一分 分汁

右搗下篩先食菜羹一分以酒服一撮忌生葱

赤小豆散

出聖惠方

治鼠瘻及出膿水項強頭底四肢寒

熱

赤小豆

一合 炒熟

白欬

一兩

露蜂房

一兩 燒灰

蛇皮

二條 燒灰

右為細末每服食前以溫調下一錢

死鼠膏

出聖惠方

治鼠瘻

死鼠

一枚中形者

亂髮

松脂

二兩

黃丹

六兩炒令紫色

右件藥用油一觔以文火煎鼠髮候消以綿濾去滓又入鐺中然後下松脂黃丹以柳木篦攪令勻膏成於瓷器中盛每月塗貼日二易之

外正膏 治鼠漏

死猫兒骨

酒和醋炙一片三寸長

皂莢

去皮子醋炙一挺

木鱉子

去殼

生用二七粒

重粉

半錢匕研

右為末每用三錢匕用米醋熬成膏敷之如一兩日

未效即用溫酒調二錢七服畢衣被蓋出汗即瘥

馬齒莧膏

出聖惠方

治一切癰疽皆是瘡痕根本所患癰

之後膿汁不止冷即是鼠瘻是以漏者急須療之

馬齒草

五升切

槲白皮

一觔水五升煮取一升清澄

麝香

半臍乾之仍研

作末杏仁半升油煎令黑搗如膏

右以瓦器貯之合和以三四重帛密繫口病已成瘡者以泔清淨洗拭乾煎作貼子塗藥貼著瘡上日三易若未作瘡如作癰癰子者以艾一升薑黃如棗大

乾漆如棗大末之釜月下土三味並末和艾作炷灸
三七壯

馬靈丹

烏魚骨

二錢半

狗脊

二錢半

輕粉

二錢半

銅綠

二錢半

右用成日姓人不犯紅日搗為末竹紙包就大效

斑猫散

出聖惠方

治鼠瘻著頸生小者如杏大者如杯

斑猫

十枚去頭翅足糯米拌炒令黃色

牡丹

三分

海藻

一兩洗去鹹味焙乾

右為末每日空心及夜臥時以葱白湯調下半錢病

根當於小便中出加魚腴利後只得喫粥一方有牡蠣無牡丹酒調服忌蒜

仙人曉散

出聖濟總錄

治鼠漏

黑猫

死者取骨一兩燒灰存性

甘草

炙為末三分

麝香

別研半分

右研細分作六服每服臨卧時溫酒調下

療鼠瘻諸惡瘡方

苦參

三觔

露蜂房

三兩

麩

二升

右以水三斗漬藥三宿去滓黍米二升釀熟飲日三

一方得蝟皮一具

又方 治老鼠瘡久不瘥

用臘月八日醋浸川烏五箇五月初五日午時烏頭
切作三十五塊與同醋浸三十五日却用三味

胡椒

三十枚

麥門冬

三十粒

川烏

搗爛為末

右為末黃蠟為丸忌用鐵器用黃丹用丙午日合黃
蠟為丸鼠糞大右卧左點左卧右點之即可

死蛇鼠膏

治鼠瘻

方見本門
蟻瘻類

槲皮煎

治鼠瘻

方見本門
蟻瘻類

猫腦骨散

出聖
惠方

治鼠瘻

方見本門
諸瘰癧類

半夏膏

出聖
惠方

治鼠瘻

半夏

一兩搗
羅為末

鯢鯢魚脂

一兩煎
肥者

右一處調如膏旋取塗瘡上

狐頭散

出聖
惠方

野狐頭

一枚炙
今黃

狸頭

一枚炙
今黃

右搗為末漿水洗拭乾以豬脂調敷之

杏仁塗膏 治鼠瘻

方見本門
諸瘻方

治鼠漏瘡方

出聖
惠方

死鼠

一枚中
形者

亂髮

如鷄子
大一枚

右臘月猪脂一斤煎二味合消盡濾去滓成膏分作二分
一分稍稍塗瘡一分稍稍酒服之瘥鼠子當從瘡中出良
療鼠瘻方

烏頭

炮

附子

炮合
二兩

右咬咀著五升淳苦酒中漬之待乾復內苦酒中燥

復內以苦酒浸盡曝令乾搗末酒服方寸匕日三忌
猪肉冷水等

療鼠瘻方

馬齒

礬石

燒

真珠粉

右為末厚塗瘡上不過三愈

療鼠瘻方

出肘後方

礬石

三分燒

班貓

一分去頭足翅熬

右為細末用酢醬服半匕須臾瘻蟲從小便出

麝香塗方

出聖
惠方

療鼠瘻穿穴成瘡痛不可忍

麝香

研雌黃

研一作
雄黃

右等分研為末取蝦蟇背白汁和塗瘡孔中日一度
一方用酥和內瘡孔中

治鼠瘻方

出聖
惠方

用糞燒為灰細研敷上

又方

出聖
惠方

用瓠花曝乾搗羅為末敷之

地黄膏

出千金方

治鼠漏瘡瘻後復發及不愈出膿血不止

用不落水猪脂咬咀生地黄內脂中令脂與地黄足相掩和煎六七沸其瘡先用桑灰汁洗去惡汁次以地黄膏敷瘡上日一易之

治鼠漏方

出千金方

右將蛇腹所吞鼠燒灰末服方寸匕日再不過三服此大驗但難過耳并敷瘡口中外臺秘要有蝦蟇一方蝮蛇腹中所吞鼠乾之末敷

治鼠漏腫核痛未成膿者

出肘後方

用栢葉敷腫上熬鹽著葉上熨之令熟氣下即消

治鼠漏已有口膿血出者

出肘後方

用白鮮皮煎汁服一升當吐出鼠子愈

治鼠漏腫核痛若有瘡口出膿水者

出肘後方

用蜘蛛二七枚燒敷良

治鼠瘻

用新鼠屎一百粒以粒收入密器中五六十日杵碎

以敷瘡孔中

又方

用蝮蛇磨著物皆透

治鼠瘻鼠劫齒人瘡

用狸頭骨燒灰敷之

療鼠瘻方

用五月五日核桃搗末先鹽湯洗拭之令乾以末敷

瘡上

療鼠瘻要方

出肘後方

用柞木皮五升水一斗煮熟去皮煎令汁得二升稍服盡當有宿油出即愈

療鼠瘻久不瘥方

用狼鼠不限多少常作羹粥任喫之必驗

療鼠瘻方 兼治蜈蚣瘻

用槲葉搗末敷腫上熱炒鹽熨之即消良效

治鼠漏腫核痛若已有瘡口膿血出者

出肘後方

用牛熱屎傳之日三有蜚蠊出

鷄子塗敷方

出肘後方

治鼠瘻

方見本門諸瘻類

治鼠漏惡瘡

用蟾酥眉脂以麻油調塗立效

治鼠瘻腫核痛若有瘡口膿血出者

出肘後方

用猫狸一物料理作羹如食法空心進之鼠子死出

又當生吞其功彌效一方單用猫作羹食之

治卒得鼠瘻有瘰癧未發瘡而速熱者

出肘後方

用搗烏雞足并車前

治老鼠瘡久不瘥

用綿絮燒灰或瘡乾用者油調敷如濕乾末搽之

又方

用竈心焦土碎研香油調敷之

班烏散

出衛生家寶

治瘰癧鼠漏

班猫 何首烏 糯米

右等分同炒令黃色去班猫用二藥為末酒調服取

出出如鼠能動其病息愈

五靈脂散

出衛生家寶

塗瘡口

治鼠瘻

出本草

右用死蠅蝗燒作末苦酒和敷之數過即愈先以鹽湯洗之

治鼠瘻瘡

出本草

右以通草煎服之磨亦得

療諸毒鼠瘻

出本草

以玄參又名馥草酒漬飲之

療鼠瘻瘰癧

出本草

取臘月豬脂調塗之

治鼠瘻

用鷄卵一枚米下蒸半日取出黃炒令黑色先拭瘡
上汗令乾以炒者鷄子黃內瘡孔中三度即瘥

又方

用董菜乾為末和油煎成膏摩瘻上三度瘥董菜野

生非人所種名董葵葉似折子如米花紫色

螻蛄瘻

附論

夫螻蛄瘻者由食菓瓜子不避有蟲即便噉食內傷子腸有毒不去變化所生也始發之時在於頭上狀如蝸形癰疹而出其根在大腸也

方

荏子桔梗丸

出千金方

治螻蛄漏始發於頸項狀如腫此

得之食瓜果實毒不去其根在大腸荏子主之桔梗

為之佐

荏子

龍骨

各半兩

附子

一兩 蜀椒

一百粒

桂心

桔梗

乾薑

外臺秘要作礬石

獨活

芎藭

各五分

右為末以棗十枚合搗醋漿和丸如大豆溫漿下五

九加至十九

丹參散

出聖惠方

治蜈蚣瘻生於項門腫硬疼痛

丹參

二兩

蒴藋根

二兩

甘草

半兩炙微赤剉

秦艽

一兩去苗

獨活

一兩

牛蒡子

一兩

躑躅花

半兩

川椒

半兩去目及閉口者微炒去汗

牛膝

一兩

去苗

右吹咀每服三錢水一中盞煎至六分去滓每日空心及晚食前服之

桂心丸

出聖惠方

治蜈蚣瘰癧疼痛出膿水

桂心

一分

黃耆

半兩剉

礬石

鍊子者一分

芎藭

一分

大黃

半兩剉碎

微炒烏喙

半兩炮去尾

川椒

一百粒去目及閉口者微炒去汗

虎脰骨

半兩

塗用灸黃

右為細末煉蜜和丸如菰豆大每日空心及晚食前

以溫漿水下二丸

長亭散

出聖惠方

治螻蛄瘻

亭長

六枚去頭足翅糯米拌炒令黃色

川大黃

半兩剉碎微炒

細辛

半兩桂

心

一分鱗鯉一兩炙令黃

楓樹中蟲糞

三指撮

右為細末每日空心溫酒調下一錢晚食前再服

馬齒莧膏

治螻蛄瘻

方見本門諸瘻類

治螻蛄瘻

出聖惠方

用槲葉燒灰細研右以泔別漬槲葉取汁洗瘡拭乾

內少許灰於瘡中

蜂癰

附論

夫蜂癰者由飲食勞倦渴乏多飲流水即蜂毒不去變化所生也如發之時其根在頭瘰癧三四處俱腫潰生瘡狀如癰形瘡而復生其根在脾也

方

雄黃黃芩散

出千金方

治蜂漏如發於頸瘰癧三四處俱

相連以潰此得之飲流水中有蜂毒不去其根在脾

雄黃主之黃芩為之佐

雄黃 黃芩 各一兩 蜂房 具一釐甲 茴香 吳茱萸

乾薑 各半兩 蜀椒 三百粒

右治下篩敷瘡口上日一度十日止外臺秘要無雄

黃黃芩

五香散 出聖惠方 治蜂癰發於頸項累累相連腫痛

沉香 一兩半 丁香 一兩 木香 一兩半 薰陸香 二兩半 川升麻

一兩半 連翹 二兩半 麝香 一分細研

右件藥搗細羅為散同研藥令勻每服一錢以水一

中盞煎至六分每空心及晚食前溫服

露蜂散

出聖惠方

治蜂瘻有頭

露蜂房

一枚

驚甲

一分

吳茱萸

一分

川椒

三百粒

乾薑

一分

雄

黃

一分
細研

右為細末研入雄黃以生油調塗瘡口上日三度用

之

皂莢丸

出聖惠方

治蜂瘻生於項間三五相連如彈子腫

赤疼痛

皂莢

八兩四兩槌碎以新汲水二升浸一宿搗
絞取汁四兩去皮以酥一兩塗炙令黃焦牛

勞子

蝸牛

牽牛子

微炮以上
各兩半

右為細末取前皂莢汁於銀器中漫火熬至一升以
未入藥味更熬令可丸即丸如梧桐子大每服二十
丸以黃香湯下每日空心及晚食前服

索豆散

出聖
惠方

治蜂瘻

索豆

二兩
炒熟

白飲

一兩
兩壯蠟

燒一兩
灰

右為細末每服以溫酒調下一錢日三服

治蜂瘻方

出聖惠方

用人屎蛇蛻皮灰臘月猪脂和敷之一方有麝香

蜂窠膏

出聖惠方

治蜂瘻

用蜂窠燒灰炙黃為末亦可用臘月猪膏和敷孔中

一方療鼻內肉外查瘤膿血出者是蜂瘻方單用蜂

房炙焦為末酒調一錢服粥飲調亦得空心日一服

蜂瘻初生狀如桃而痒搔之則引大如鷄子如覆手者

出聖

惠方

用熬鹽熨之三宿四日瘥不瘥至百日成癰其狀大
如四五子石廣三寸中生蜂作孔乃有數百以石硫
黃隨多少燃燭燒令汁出著瘡孔中須臾間見蜂數
十蜂盡瘥

又方

出聖
惠方

用死蜚蜋燒為灰細研醋和塗之

又方

出聖
惠方

用鴟頭燒灰細研敷之

蚬蜢瘰

附論

夫蚬蜢瘰者因寒腹中臃脹所得寒毒不去變化所生也始發之時在其頸項使人壯熱若傷寒有似疥癬瘰瘰孔出其根在肺也

方

礬石防風散

出千金方

治蚬蜢漏始發於頸初得如傷寒

此得之食中有蚬蜢毒不去其根在腎礬石主之防

風為之佐

礬石 防風 知母 雄黃 桃白皮 乾地黄

獨活 青黛 斑猫 白芷 松脂一作白脂 芍藥

海藻 當歸各一分 白朮 蝟皮各四分 蜀椒一百粒

右治下篩每服一錢日三服外臺秘要無礬石防風

礬石散

出聖濟總錄

治蚘蝨癰始發在項如患傷寒此因

啖食中蚘蝨其根在腎可皆治之

白礬

燒令汁枯半兩

李白皮

桃白皮

獨活

去蘆頭

知母

生乾地黄

雄黃

研一分 蛻皮

白朮

各三分

青黛

研

斑猫

去凡翅糯米炒

白芷

桐皮

蜀椒

去目并開口炒出汗一百粒

芍藥

海苔

當歸

焙各一分

右為細末每日空心溫酒調下一錢日三

桃白皮散

出聖惠方

治虬蟬癰發於頸上初得壯熱後却

成瘡出膿水疼痛

桃白皮

半兩剉

川大黃

半兩剉微炒

知母

生地黄乾

半兩

雄黃

一分研

蛻皮

一分今黃炙

獨活

半兩

青黛

一分研

川椒

一百

粒去目及開口
者微炒去汁

白芷

分一松脂

赤芍藥

分一海苔

右為細末都研令勻每日空心及晚食前溫粥調下

一錢

治虬蜉癭

出聖
惠方

龜膽

三枚犬牙

三枚炙

琥珀

半兩

虬蛇頭

一枚炙

雄黃

半兩
細研

猪牙

三枚炙
令黃色

右為細末以醋和勻敷瘡一宿神驗

赤小豆散

出聖
惠方

治虬蜉癭

方見本門
鼠瘻類

疥癩

附論

夫疥癩者由恐懼愁憂思慮哭泣不止餘毒變化所生也始發之時在頸項無頭尾如棗核或移動皮中使人寒熱心懣其根在心也

方

礬石白朮散

出千金方

治疥癩漏始發於頸下無頭尾如

棗核塊累移在皮中使人寒熱心懣得之因喜怒哭泣其根在心礬石主之白朮為之佐

礬石 白朮 空青 當歸各三分 細辛一分 蝟皮一作

乾蝟肉 斑貓 枸杞一作根 地膽各一分 乾鳥腦脂二

許豆

右治下篩以酢漿服方寸匕日三病在上側轉卧在

下高枕卧使藥下流忌生菜桃李雀肉生血物

玄參散出聖惠方 治瘰癧結核腫痛

玄參二兩 升麻二兩 獨活二兩 漢防風一兩 甘菊花一兩 連

翹三兩 犀角屑半兩 川大黃半兩 劉

右吹咀每服四錢水一中盞煎至六分去滓每於食

前溫服

空青散

出聖惠方

治瘰癧發於頸如棗核在皮中不能

消散結腫痛疼

空青

三分燒過細研

當歸

三分

細辛

三分

枸杞根

三分

蛻皮

三分炙令

黃乾烏腦

三分豆大

斑猫

一分糯米炒米黃為度去頭足翅

地膽

一分糯以糯

米拌炒米黃為度去頭翅足

右為細末每於食前以溫漿水調下一錢

神驗犀角丸

一名甘
華丸

治蟻螯瘻

方見本門
熱毒類

又方

出聖
惠方

蝸牛殼

一兩以牛乳半
升炒金細研

川大黃

三分搗
為末

右為細末每日空心以溫酒調下一錢即於大便中
瀉出惡物

蜉疽瘻

附論

夫蜉疽瘻者因慮結馳思往反變化所生也始發之時
在於頸亦在腋下如兩指無頭尾使人寒熱欲嘔吐其

根在膽也

方

商陸散

出聖惠方

治蜉蝣或生於頸或發於腋腫硬如指

久即穿潰有膿

商陸

一兩

曾青

二分

黃芩

一兩

防風

一兩

白礬

一兩

燒

汁盡

人參

一兩

小薊根

一兩

石膽

一分

甘草

一兩

炙

雌

黃

一兩

赤芍藥

一兩

白芷

一兩

桂心

一兩

知母

一兩

桔梗

一兩

雄黃

一兩

狸骨

一兩

銀星礬石

一兩

炙

醋

滓

七遍

赤

地膽

一分去頭足翅糯
米拌炒令米黃

斑猫

十枚去頭足翅糯
米拌炒令米黃

右為細末入研了藥更研令勻每日空心及晚夜臨
卧時以淡醋調下一字三十日知愈七十日平復甚
者百日無復所苦凡服藥寧從少起過度即令人淋
瀝淋則減服之

地膽甘草散

出千
金方

治蜉疽漏始發於頸如兩指使人

寒熱欲卧此得之因思慮憂薄其根在膽地膽主之
甘草為之佐

地膽 雄黃 乾薑 續斷 石決明 菴蘭根

龍膽 各三分 細辛 二分 大黃 半 甘草 一分

右治下篩傳瘡上日四五度古今錄驗無雄黃有硫

黃外臺秘要無甘草生菜一方無雄黃有石中黃子

治浮疽瘰癧穿潰出膿水不止方 出聖惠方

雄黃 一分 白礬 一分 龍膽 三分 細辛 半 川大黃

半 地膽 半 石決明 一分 續斷 一分 菴蘭

根 一分

右為細末以敷患上日四五度用之

犀角散

出聖惠方

治浮疽癰發于頸腋大如兩指結硬四

肢寒熱

犀角屑

一兩

木通

一兩

赤芍藥

一兩

柴胡

一兩

桔

一兩

半

梗

一兩

連翹

一兩

枳殼

一兩

惡實

一兩

黃

一兩

炒

黃

色

炒

甘草

三分

赤

灸

右吹咀每服四錢水一中盞煎取六分去滓每於食

前溫服之

犀角丸

出聖惠方

治浮疽癰

犀角屑

一分小蛭

一分微炒令黃

甘草

一分炙微赤剉

黑豆

半合炒熱去皮

右為細末煉和如菴豆大每日空心以溫酒調下三丸至三日小便內當下惡物此是病出盡即自止如未止即不得住藥無不神效

癰癰癰

附論

夫癰癰癰者因強力入水以坐濕地或緣沐浴汗入頭中流在頭上之所生也始發之時在其頭項常有膿水

使人寒熱其根在腎也

方

雄黃芍藥丸

出千金方

治療癰漏始於頸有根初若痛令

人寒熱此得之因新沐濕結發汗流於頸所致其根在腎雄黃主之芍藥為之佐

雄黃 芍藥 茯苓 續斷 乾地黄 空青

礬石 乾薑 桔梗 蜀椒 桐皮 虎腎

一作虎脂

狸肉 烏腦 班猫

各一分

附子

一兩

右為末丸如大豆大酒服十九日二忌猪肉冷水生葱蕪荳生菜生血物及酢物

露蜂房丸

出聖惠方

治瘰癧癰發於頸項腋多頭作孔常

出膿水

露蜂房

一兩續斷

礬石

一兩泥裹燒半日

犀角屑

半兩空青

半兩燒過細研

雄黃

一分細研

桔梗

半兩去蘆頭

狸頭

一枚燒為灰

麝香

一分細研

川大黃

一兩剉碎微炒

斑猫

一兩以糯米拌炒米黃為度去頭足翅

右為細末令勻煉蜜和搗二三百杵丸如菰豆大每

於食前以粥飲下一丸

蜴蜥丸

出聖惠方

治療癰瘰

蜴蜥

一枚多熟

羌青

五十枚去頭足翅以糯米拌炒令米黃為度用

麝香

一分細研

犀角屑

三分斑猫

二十枚去頭翅足以糯米拌炒令米黃為度

地膽

三十枝去

頭翅足以糯米拌炒令米黃為度

黑豆黃

三分

甘草

三分炙微赤剉

右為細末以粟米飯和丸如菉豆大每日空心以酒

下一丸一百日效

又方

出聖惠方

治療癰腫破成瘻宜用此方

麝香

一分
細研

胡粉

一兩

黃丹

一兩
微炒

右件藥都研令勻取煖漿水淨洗瘡用軟帛拭乾以
蜜調攤於故帛上貼日二換之

蛇床子膏

出聖
惠方

治瘰癧瘻作數孔

蛇床子

三兩
末

黃蠟

二兩

亂髮灰

半兩
細研

大麻油

四兩

右以文火養油煎蛇床子十數沸濾去滓次下髮灰
并蠟熬成膏旋取攤於帛上貼之

治瘰癧成瘻

出聖
惠方

砒霜

半兩

粉霜

半兩

右為細末麪和丸如大豆大安在瘰子頭著麪糊紙子封著候瘰子出便以生肌膏貼之

治瘰癧瘻橫闊作頭狀若杏仁形一作瘰癧方

出千金方

用雄鷄屎燒灰臘月猪膏和敷之

莨菪子方

出聖惠方

治瘰癧瘻

用以莨菪子三兩淘去浮者炒熟用醇醋一升浸一宿曬乾用入酒漬一宿又曬乾重以酒半升淨洗又

曬乾每日空心取三指撮以井華水下服之服後食
三五起飲壓之十日瘥

楸葉煎

出聖惠方

治療瘰癧瘻瘡神方

用秋分前後平旦令人持囊袋于枝上摘葉內袋中
秤取十五觔水一石淨釜中煎取三斗又別換鍋煎
取七升換鍋煎取二升即成煎內不津器中凡患者
先麻油半合蠟一分酥一粟許同消如面脂又取杏
仁七粒生薑少許同研令細米粉二錢同入膏中攪

令勻先塗瘡上經二日來乃拭却即以篦子勻塗楸
葉煎滿瘡上仍用軟帛裹却二日一度拭却更上新
葉藥不過五六上已作頭便生肌平復未穴者即內
消瘡後須將理半年以來採葉又煎合時禁孝子婦
人僧人鷄犬見之

療鼠瘻癰癰身熱方

用臘月猪膏正月鼠頭燒令作灰以膏和敷之愈若
不瘡者癰癰右炙右肩頭三指度以下指炙炷皆如

鷄子大良若不能堪者可如中黃亦可已試有良驗

白花蛇散

出危氏方

治九漏瘰癧生項腋之間寒熱作或

不痛

白花蛇

酒浸去皮骨焙乾二兩

生犀角

半錢

青皮

半兩

右為末每服二錢膩粉半錢研勻五更糯米飲下已時下惡物十日再一服忌食發風熱物已成瘡一月効後用如聖散補之

海藻

洗

石決明

煨

羌活

瞿麥

右各等分為末米飲下二錢日三

治癰癰痔瘻瘡

出本草單方

以蟾蜍糞油調敷之

治瘻瘡根結核癰癰毒腫

出本草單方

以射干塗肉四畔漸漸近瘡習習逐病至骨瘡若有
熟膿及黃水出者塗之若無膿水有生血及傷肉破
即不可塗即殺人

治癰癰鼠瘻

出本草單方

右以夏枯草初生嫩時採之須浸洗淘去苦水作菜食之

治癰癤瘰癧及風頑疥癩

出本草單方

以鼈甲炙燒酒浸服之

治癰瘡腫癭繫結等

出本草單方

以山慈菰根醋摩敷之

治癰癤成癭孔者

出本草單方

右取露蜂房二枚炙末臘月豬脂和塗孔上瘡

治瘰癧五痔瘻癰瘤瘡根惡腫

出本草單方

右以石黃空青桂心並四兩乾薑一兩為末鐵片闊五寸燒赤以藥置鐵上用瓷碗以猪脂塗碗底藥飛上得冷即開如此五度隨瘡孔大小以藥如兒屎內孔中麪封之三度根出也無孔者鐵皮內之

轉脉癰

附論

夫轉脉癰者因飲酒大醉夜卧不安多驚欲嘔轉側失枕之所生也始發之時在其頸項脉轉身如振使人寒其

根在於小腸也

方

斑猫白芷丸

出千金方

治轉脉漏始發於頸濯濯脉轉苦

驚惕身振寒熱此得之因驚卧失枕其根在小腸集
驗方以斑猫主之白芷為之佐

斑猫 白芷 綠青 大黃 各三兩 升麻 鍾乳

甘草 防風 地膽 續斷 麝香 礬石 各一兩

人參 當歸 桂心 各二兩 白朮 麥門冬 各一兩

右為末蜜丸如大豆大酒服十九日三勿食菜慎房

室百日本外臺無大黃桂心麥門冬白朮鍾乳

斑猫丸

出聖惠方

治轉脉癰發於頸腫痛寒熱出膿水

斑猫

一分以糯米拌炒黃為度去米頭足翅

人參

三分去蘆頭

地膽

一分以糯

米炒黃去翅足

當歸

三分兩

川升麻

三分

麥門冬

去心一分焙

白朮

三分

川大黃

三分微炒

鍾乳粉

三分

桂心

三分

甘草

一分炙微赤剉

防風

半兩去蘆

續斷

三分

麝香

一分

白礬

一兩燒汗盡

右為細末米後入研了藥令勻煉蜜搗三二百杵丸

如梧桐子大每服以酒下十九日三服

連翹散

一名連翹丸
出聖惠方

治轉脉癰發於頸項寒熱有膿

方見本門癰
癰寒熱類

漏蘆膏

一名五白膏
出聖惠方

治轉脉癰

方見本門
癰類

風癰

附論

夫風癰者由風邪在結脉結聚所成或得諸風不即瘡
變作癰也其得風者是因瘡遇冷膿汁不盡乃成也其
風在經脉者初生之時其狀如腫有似覆手搔之則皮

脫赤汁出乍腫乍減漸漸生根結實附著骨間不知首尾後潰成癰若至五十日不消不潰變成石腫名為石癰久久不治令人寒熱惡氣入腹絕悶刺心及咽項皆腫不治者死也

方

神效斑猫丸

出聖惠方

治風癰赤腫出膿汁不止

斑猫

一分去頭尾翅以糯米拌炒令米黃為度

連翹

三兩

玄參

三分烏蛇三分

去皮骨酒浸一宿炙令黃

漏蘆

三分

荏子

三分

空青

三分

研燒過

川大黃

一兩劉
碎微炒

牛蒡子

一兩半
微炒

黑豆黃一
分

右為細末入空青研令勻煉蜜和搗三二百杵為丸
如菰豆大每日空心及晚夜卧時以溫酒下五丸漸
加至十丸

露蜂房膏

出聖
惠方

治風癰消腫化膿

方見本門
諸毒類

槲皮散

出聖
惠方

治風癰出赤水腫痛

槲皮

一分
炙黃

玄參

一分
蟬殼五

苦參

一分
劉

斑猫

二七枚
去頭翅

足糯米拌炒
今米黃為度

白殭蠶

四十九
枚微炒

右為細末每日空心以鹽茶調下二錢良久以鹽茶投之小便內當取下惡物

赤豆小散

治風癰結腫常出惡膿水

方見本門諸毒類

松脂煎

治風癰

方見本門諸毒類

蜂窠膏

治風癰結腫常出惡膿水

方見本門諸毒類

蟻瘻

附論

夫蟻瘻者由飲食有蟻精氣毒入五臟流出結脉多着頸項澱澱生瘡微腫核細而乃遍於身體也

方

鱗鯉甲散

治蟻瘻

鱗鯉甲

二兩炙
令黃色

礬石

一兩泥裹
炒半日

赤足蜈蚣

二枚炙
令黃色

雄鷄膽黃皮

一具
炙乾

右為末以三年好醋調敷於瘡上

治蟻瘻

雄黃

雌黃
各等分

右件藥研細敷瘡上

死蛇鼠膏 治蟻瘻鼠瘻

用死蛇腹中鼠取臘月猪脂煎候焦去滓敷之一方
用死鼠燒灰為末敷瘡亦可

又方

用大鯊鮓燒耕墾土令赤以苦酒浸墾土時合壁土
令熱以鯊鮓著壁土展轉令熱敷瘡上

鱗鯉甲膏 治蟻瘻

用鱗鯉甲二七枚燒末以猪膏和敷瘡上鯉魚鱗甲

赤可用之

又方

用半夏一枚搗末鴨脂和敷瘡上一方無鴨脂以水調敷之

又方

用雄鷄糞燒為灰細研敷瘡日三度用之

鯢鱖塗敷方 治蟻瘻

用鯢鱖燒灰研細以醋調如糊塗敷瘡上日三度立

即瘡

又方

用螻蛄以酒研細塗敷瘡上日三五度即瘡

除蟻瘻

用水蘇按碎敷之

治蟻瘻孔容針亦有三四孔者方

用蝟皮蝟肝蝟心燒灰為末酒服一錢匕一方灸黃
為末服之

治蟻瘻惡瘡

右取黃褐候鳥五味淹炙食之鳥形如鳩綠褐色聲如小兒吹竽

冷瘻

附論

夫冷瘻者亦是謂得心風冷久不瘥因成瘻膿汁不絕故為冷瘻

方

生肌丁香膏

治冷瘻瘡及瘰癧瘻疼痛

丁香三分沒藥三分安息香三分麝香一分當歸三分乳香

細研附子三分白芷三分桂心三分雄雀糞四十粒燕

萸仁二分黃丹三分麻油一

右件藥都細剉入油以漫火煎候白芷黃焦色去滓入黃丹更微煎攪勿住手膏成收於不津器中頻取貼之一方無香白芷

外硃膏 治冷瘻及諸瘻瘡

丹砂三分川大黃一兩雄黃二兩苦參一兩黃連一兩

莽草

三分

蘭茹

一分

礬石

三兩

細研

硫黃

三分

細研

右件藥剉入臘月猪脂一升二合以漫火煎黃連等藥焦絞去滓下丹砂雄黃礬石硫黃末更煎攪勻入瓷合盛取旋貼

雄黃膏 治積年冷漏黃水不止

雄黃

硫黃

研細各一分

頭髮

各半

黃蠟

各半

兩

右用麻油二兩煎熬頭髮鎔盡去滓次入雄黃硫黃碎片黃蠟浸火上桑枝頻攪為膏攤生絹貼用藥先

以赤耳草頭煎湯洗或露蜂房白芷煎湯常洗常貼
易

青黛散 治多年冷瘡癰

青黛

一分
細研

麝香

一分
細研

葶苈子

一分

蘭茹

一分

右為末都研令勻用一捻內瘡孔中更以後用雄黃
膏貼之

治冷癰及諸癰瘡

出聖
惠方

蜚蠊

三枝

麝香

一錢

研細

松脂

一兩

乾膽

一
枚

右為細末入蜜少許和捻作餅子先淨洗瘡上貼以瘡為度

治冷瘰及骨疽瘡一切癰數年不瘥者

出聖惠方

附子

一分生用為末

硫黃

半分細研

膩粉

一分

右件藥都研勻以生油調塗之甚切效

治冷瘰及諸瘰瘡

出聖惠方

皂莢

一分兩藜蘆

一分

右件藥都燒為灰細研漸漸敷之

又方

出聖惠方

硃砂

一分 硃黃一分

右件藥同研合細以粳米飯和丸如麻子大填入瘡

口內旬日便瘥

乳香丸

出仁濟直指方

治冷漏

白淨滴乳香

一分 牡蠣半分

右為細末雪糊糕丸麻子大每服三十九道地川白

薑生用煎湯空心送下

久癰 附論

夫久癰者是諸癰連滯經久不瘥或暫瘥後復發或移易三兩處更相應通故為久癰也

方

五方帛膏

出聖惠方

治積年癰瘡及一切惡瘡救急者

五方帛

灸一分

亂髮

二兩洗令淨

黃芩

一兩

紫苑

洗去苗土

葶藶

子倒釣棘針

乳香

二兩

石鹽

一兩

黃蠟

二兩

麝香

一兩

研細

黃丹

七兩

胡粉

生麻油

一升

松脂

一兩

著油同搗

乳香

水

銀

一兩并胡粉點少
水研令星盡用

右件藥各搗研就先將油入鐺中鍊烟少出即下五
方帛亂髮用武火煎髮帛消盡後下黃芩等四味良
久下松脂乳香二味又攪良久下麝香黃蠟又熟攪
次下黃丹胡粉石鹽水銀又微用火急攪勿住手取
一碗冷水點着硬即收之每用攤放帛上貼日二三
換之

截疔散

出瘡科
精要

治年深疔癰瘡

黃連

兩半

白欬

白芨

黃丹

兩各一

輕粉

錢一

龍腦

麝香

各半錢
別研

蜜陀僧

兩一

右為細末和勻乾摻或捻上以膏貼之

生肌散

出濟生
拔萃方

寒水石

劉

滑石

兩一

烏魚骨

龍骨

兩各一

定粉

蜜

陀僧

白礬

灰

乾胭脂

各半
兩

右為極細末乾摻用之

黃耆丸

治漏瘡連年不瘥出膿水不止

黃耆

剉

牡丹皮

各三分

犀角

鎊

甘草

炙剉各一兩

玄參

惡實

炒

木通

剉各一兩半

右為末煉蜜和丸如梧桐子大每服二十九空心酒

溫送下晚再服之

治久癰核易三數處皆生瘡孔者

出聖惠方

烏蛇

一兩半酒浸去皮骨炙令微黃

蒺藜子

三分

曲頭棘針

半兩

馬齒

蓖

三分墻上者

頭髮

半兩燒灰

雄黃

一分細研

緋帛

半兩燒灰

右件都搗研為末以酒調下內瘡中看乾即更著以

瘡為度

平肌散

出仁濟直指方

治漏瘡久不合露乾則用

老狗頭骨

露蜂房

生髮

各存性燒一分

新桑白皮

半分

右為細末入麝香少許輕粉津唾調敷乾則搽

露蜂房散

出仁濟直指方

治久年漏瘡或暫瘥復發或移於

別處

多孔露蜂房

炙黃三分

穿山甲

炙龍骨

右末入麝香以臘月猪脂調敷濕則搽

治久瘻移易三數處皆生瘡孔者

出聖惠方

蝙蝠糞

一兩半

白殭蠶

半兩

雄螻蛄

半兩

乳頭香

半兩

蜀茶

末

半兩

右為細末敷瘡上以瘡為度

久漏方

出仁濟直指方

右用九孔蜂房炙黃為末臘月猪脂研數候收汁以真龍骨降真香節細末入此乳香研瘡上敷之

又捷效方

出危氏方

用信石新瓦上火煨過為末以津液潤紙探子蘸少許推入瘡孔內如瘡孔多不可齊上藥免使害人

烏藥膏

出聖濟總錄

治諸漏久不瘥

烏藥

二兩末

猪膽

三枚

右以膽汁和烏藥末令勻以薄綿裹內瘡口日三五

度

神助散

出危氏方

治瘰癧十餘年不瘥

檳榔

黃連

去鬚

右為細末先活鰩魚一條擲於地候鰩因盤屈以竹
鍼五七枚貫之覆瘡良久取視當有白蟲數十如鍼
著鰩上取去復覆之如此五六度即已用藥量多少
覆之一方數藥明日以乾艾作湯投白湯三二錢洗
不一月全愈蓋老人血氣冷必候艾力以佐陽而艾
性亦能殺虫凡瘡一月虫蠕動氣血亦隨之故瘡不
可即合則結痛實虫所為

治瘰癧多年不瘥出於胃前或脇肋脚脛間者無不效

方

出聖
惠方

用江淮多年破船上泥縫脂灰不限多少搗羅為末以鷄子清和作團用炭火燒令通赤待冷准前團燒之如此三徧即搗細羅末入麝香蜂窠膏治久癰生

九孔者

方見本門
蜂癰類

又方

出聖
惠方

用梔子燒成灰細研以羊髓調塗之

治遠年漏瘡黍葉裹敷方

用黍葉爛搗裹敷瘡上日三度

又方

用枯樓根搗羅為末塗敷瘡上日三五度

殭蠶塗敷方

治遠年漏瘡不瘥

用殭蠶炒搗為末塗敷瘡口以熟艾作炷灸之痒痛初惡膿出後清血出便用蠶末塞瘡內以帛裹定

三奇散

出衛生家寶

治漏瘡久不生肌臭爛不可治

麒麟竭

黃連

白礬

各半兩

右為末敷於瘡上用膏藥寬貼之

蜚蠊丸

出衛生家寶

治惡漏瘡經久不瘥惡肉內潰

蜚蠊虫

自死者一分燒灰

巴豆

一錢去殼燒灰微存性

右碾細以津丸如麻子大內一丸入漏瘡孔內

治漏瘡成孔子膿水淋漓經時不瘥用之立驗

出衛生家寶

降真香

三兩

雄黃

一兩有泥土者研水飛過

躑躅花

半兩

麝香


少許別研

右為末用紙撚子蘸上藥任瘡竅中痛即止

治漏腮膿水淋漓不止

出衛生家寶

右用猪蹄殼用鹽泥固濟燒為灰末以麻油輕粉調
塗瘡口三兩上即瘥



欽定四庫全書

普濟方卷二百九十三

普濟方卷二百九十三